



www.BibleForChildren.org

Matiyu 26




Sala Laya
Njekkayirambero
kawu arakku
gapcoa, Isa bēla
Baitaniye na Lajarus
kam duwon karmolan
cəsangənədə dəganadəro
leyeno. Daji Meram səndal
curonjun kawudi jauro
tamanna cunju nardi
ngoje si Isayero fijiye kanduri
kəlanjuyen cinje, har buwuttu
kawudidəyedə fado ngaa kimowo.



Daji Yahusa Iskariyot mewun yindindəye falnja Isaa mukko wurawa řimannayero sərəttuwuro nanjaro leyeno. Adəa fangeranniya, karwunja kəjije tiro wuři cadi cane wadu ngoyera. Yahusadə dama Isaa tayiro sərəttuwuye mada badiyeno.



Daji fuwurawadē jiri Isa tayiro
wuljəgənadē gai kedo. Adəgaima
masəna layayedəa dabbaryera.
Masəna cadi duwon, Isa burodi
ngoje Alaro ardiyenniya, fəsakce
fuwurawadəro ce: «Ngonowo buiwo,
adē tiyini,» yeno. Koro kənjaram
ngoje Alaro ardiyenniya, tayiro ce:
«Nayi samma yaiwo, dalilnjudə
adəma buni aman
ndəptaye duwon
biwu am kadaye
gawurdu nangaro
fidənadē wo.»




«Siman, Siman, fane! Yiwulis jiri am argem lalajaidə gairo nayia laladuro Alaa cuworəna, amma bare kambərsenəm kolləmmiro Alaa ngikkorəkko. Ni ye waldəmiya, kəramiyanəmdəa dunoagəne!» Biturusse tiro: «Kəma, koso bi karmoro dabbardəkkəna, ni-a rokko leniyo!» yenniya, tiye: «Biturus, niro wulnjəgəkki, gudowom ku kokkore cakkiwawo, sai yakkuro wua angərsəmiya,» yeno.



Isa fuwurawanju-a na tiro
Gessemanni canidero
kadiranniya, tayiro: «Na
adən nammowo duwon,
na todero lekke moduwa
dikke,» yeno. Tiye:
«Bawani, awiso niro yoji.
Kənjaram adəa wulan
ngone! Adə yaye awo wu
raakkəna gəni, awo ni
raammadəma!» yeno.




Daji Yahusa kəwu laa sojiyaye-a gureduwu wurawa
ɾimannaye-a Farisawaye-aa ngoje jərwudəro fatəla so,
ka cambi so, baɾimi so mukonna kadira. Am
nanjuyedə awo wakkajidəa kerunniya,
tiro: «Kəma, kashagarlan tayia
cacalliyea, nda!» cane falnja
wolodi ɾiman kurayea bakce
səmonju kəmboramdəa tən
kamgeno. Amma Isaye tayiro:
«Danowo! Cədəna!» yenniya,
səmonju leje isangayeyeno.



Daji Isaa cadane balballa fado rima kurayedero kesado. Biturus ye katta kaskadaaro tayia giya. Dawu balballayen kannu fujane napkeranniya, Biturus ye dawunjan napkeno.




Wolodiya řiman kuraye
falnja kərami kam duwon
Biturus səmo
kamjənadəye tiro:
«Curo jərwudəyen ti-a
rokko njarukkəni wa?»
yenniya, koro Biturus walde
angəryeno. Sadəman
gudowom kokkore kekko.
Takkenniya, deyaro culuwe
tai daje so ngoyeno.




Daji majiliswu samma cijane Isaa fuwu Gomna Bilatussero caade ayau gənaduwu badiyera. Bilatusse tiro: «Nima wa Mai Yaudiyayedə wo?» cəne tia kiworo. Isaye: «Nima wulləm, wuma!» yeno. Bilatus Isaa salamjiya cəraanadə, walde tayiro manayeyeno, amma kowo


sapcane: «Kəskaro tia jagəne! Kəskaro tia jagəne no!» canı.




Daji Bilatus Isaa kəskaro jajaaro
mukkonjaro kekko. Daji Isaa cadane
kesado. Isa kəlanjuma kəskanju
karmoye ngoje na tia Buwo Kəlayelan
bowojai təlam yaudiyaudin tiro Golgota
canidəro leyeno.



Nadən ti-a am gade yindi-a rokko
kəskaro jayeyera, səgəri fi yayen
kam fal fal, ti Isadə dawunjan.



Kausu kəla dawu duwon, dunia nga təmje cələmbo
walje, har sa yakku kajiriyero kiado, kəngal ye wasturo
wayeno. Sa adən juwa curo *Fado Alayen dəganadə
farak yindiro kargadan. Daji Isa
kowo dunoaro sapce:
«Bawani, roni curo
mukkonəmbero yakkəkki,»
yenniya, ro kirəmbo.



Isuwu kam Arimatiyaye, ti curo
majiliswudəyen jauro kam kura
ye, nodo bargaa Alayedəye
kəndenju gureji ye,
na Gomna Bilatussero
ridu bawoaro leje
kamin Isayedəa
tiro cadoro kiworo.


Daji Isuwu leje
lowowon batta linne
ciwe kamindəa
kəskadəlan cəsaye
battadən kəkərje kauri
curo kauyen lajana laaro
cakke sənaje ci
kauridəyero kau kura
təmbalyeyeno.



Yim dabbarduye kojənaye wajənanjua
wurawa řimannaye-a Farisawa-a
na Bilatussen captanetiro:

«Barganəmmi,
jambama adə ronjualan:

“Ngawo kawu
yakkuyen roaro
walləkke cikki!”
cənnadəa kəlan
taiyena.»




Daji kauridəro lejane kau kura ci
kauriyedəro tawaa
bakcagane sojiyadəa
gadiro gənayera.




Yim tustuye koyenniya, mawuye yim
burwoyea suwa ləp Meram
Magdala-a Meram faldə-a
kauridəa kuroro leyera.

Sadəman cidi loloyeno,
malaiya Kəmandeye
laa samelan jəpce
kau kuradəa
təmbalje kəladən
napkeno.


Sojiyadə ridunjuro
jauro lolojane am
sanuna gairo
walyera.




Amma malaiyadəye kamuwadəro:
«Bare rinuwwi! Isa kam kəskaro
jajaanadəa manuwiro
nokkəna. Wuljənadə gai,
ti na adən bawo, cijəna!
Arowo na tia
sənajanadəa ruiwo!»




Daji kamuwade karwunja kamdona ye,
jauro keji fanjai yero kauriden caluwe
cagase lawardea fuwurawanjuro
njadoro leyera. Sademan Isa
tayia kapciye: «Wusowo!»
yenniya, nanjuro isane sinjuro
kamdagane tiro ambetkeyera.





Koro fuwurawanju mewun tilondə masəna cadi duwon,
Isa tayi yero fəlediye kəla njasarainambunja-a
kəlakibbunja-ayelan tayiro kikkado, dalilnjudə am
ngawo cijənayen tia carunadəa njasarairo wayera.
Kəma Isa mana adəa tayiro cəddənaye ngawon, tia
samero casade kəmboram Alayen napkeno.





Awoa Ala duniadəa jaumaro
cəraye Tadanju tilo lok kaino, wundu
duwon tia kasaccənamadə bare
faccəgənni, amma ro sawisoye
cuwando nangaro.



Romanwu 3:23 Tayi samma biwu cadəna ye, daraja Alaye najaganni ye,

Romanwu 6:23 Awoa alwasi biwuyedə karmo, amma kənjə Alayedə Kəmande Isa Almasiwuyen ro sawisoye.

Ibranawu 9:27 Jiri kam fallo nuiro kadargada, koro ngawo adəyen sai sharadə gai,

Afisawu 2:8,9 Awoa serlaman kambərseyen njəkkawo kiwanduw, koro adə nayiyen gəni isi, tidə kənjə Alaye, kidandoyen gəni, bare wunduma awulo juwunniro.



Romanwu 10:9,10 Cinəmlan «Isama Kəmadə wo!» nəme karwunəmlan Ala tia karmolan cəsangənaro kasatkemma, njəkkawo fandəmi. Awoa karwulaman kam mərsaje jiremaro walji, koro cilaman kasacce njəkkawo cuwandi,

Yahaya 3:16,17 «Awoa Ala duniadəa jaumaro cəraye Tadanju tilo lok kaino, wundu duwon tia kasaccənamadə bare faccəgənni, amma ro sawisoye cuwando nangaro. Ala duniaro shara njəddoro gəni Tadanjudəa kinodo, amma tilaman duniadəa cəkkaworo.»

1 Yahaya 5:11-13 Shedadə tima Ala andiro ro sawisoye sadəna, koro ro adə Tadanjun kərga. Kam duwon Tadadəa cuwandənamadə ro cuwandəna. Kam duwon Tada Alayea cuwandənnidə ro cuwandənni. Nayi cu Tada Alayea mərsanuwwadəro awo ania ruwunjagakkəna, ngainin ro sawisoye fanduwwaro nonuwwa.



Matiyu 26-28; Luka 22-24; Yahaya 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Manga Kanuri NT (kby) © (Active), SIM International

<https://live.bible.is/bible/KBYWBT/MAT/1>

©2026 Bible for Children, Inc.

www.M1914.org

www.bibleforchildren.org

